

摘藻堂四庫全書薈要

子部

欽定四庫全書薈要卷一萬一千七百一

子部

御定淵鑑類函卷二百五十三

人部十二

父友 薦友 思友 過友人
患難友 擇交 絕交

父友一

增禮記曰見父之執不謂之進不敢進不謂之退不敢退不問不敢對 又曰父之齒隨行 又曰既葬若君食之則食之矣大夫父之友食之則食之矣不避梁肉若有酒醴則辭注變顏色則不可 又曰父之執可以

乘其車不可以衣其衣

父友二

增高士傳曰班嗣在京師家有賜書內足於財父黨揚
子雲以下莫不造門 魏書曰陳羣字長文通達有識

度其所交皆父黨魯國孔融與羣父紀交又與羣交

晉書曰鄭袤字林叔滎陽開封人少孤隨叔父渾避難

江東時華歆為豫章太守渾往依之歆素與袤父泰友

善撫養袤如已子 南史曰劉孝綽年十四父繪掌制

誥常使代筆父黨沈約任昉范雲等聞其名命駕造馬

父友三

增候問

交游

合辟事類陳蕃少時閒居一室庭宇蕪穢父友薛勤來候之謂曰孺子何不洒

埽以待賓客蕃曰大丈夫處世當埽除天下安事一室

乎北齊書凌昂字雲駒洛陽人父子瑋魏中書監昂

為河間邢邵所賞邢與子瑋交游

嘗謂子瑋云吾以卿老蚌出明珠

途遇練裙坐被

道服

南史梁任昉字彥升子四人東里西華南容北叟皆無術業兄弟流離不能自振冬日西華著葛帔

練裙生平舊交莫肯相卹道逢劉孝標泣然驚曰我當

為汝作計乃作廣絕交論刺其舊交

聞見錄韓魏公

留守北京李稷以國子博士為副頗慢公公不為較俄

潞公代魏公為留守未至揚言云李稷之父絢我門下

士也聞穆敗慢魏公必以父死失教至此果不悛將庭訓之公至北京李穆謁見坐客次久之公著道服出語之曰而父吾客也

原不為梁松禮

願與阿戎譚

漢書馬援疾梁松候

之拜跡下援不為禮子孫曰松尊貴大人何為不禮援曰我乃其父友也晉書阮籍與王渾友渾子戎少籍

二十歲每見戎盡日而去謂渾曰與卿語不如與阿戎譚

增世交參朝之友 崔

孔之交

左傳楚伍參與蔡太師于朝友其子伍舉與聲子相善後漢書孔僖字仲和魯人祖父建少

游長安時崔篆仕王莽為建親愛僖與崔篆孫駟復相友善焉

世舊之情 通家之

好唐書嚴武以杜甫世舊待甫甚善柳子厚送崔羣文予與崔君有通家之好

父友四

增泣撫其子

春秋外傳叔向見司馬侯之子撫而泣之曰自此父之死也吾歲與比事君也後

漢書陳祐年二十而孤家貧牧豕于長垣澤其父執謂之曰二千石子而牧豕縱子無恥柰辱先君何

收養其兒

又曰處士樊英有鄰人子止英家每醉呼弟子陳寔問之英曰其父臨死以相委屬故

收養

不奉遺教

晉書解系字少連荀勗諸子謂曰與卿為交應向我公拜勗又曰我與尊

先使君親厚系曰不奉遺教若與先君厚徃日哀頓當垂書問親厚之誨非所敢承勗父子大慚

教

育兼成

聞見錄韓魏公少善尹師魯師魯以貶死其子朴方在襁褓至長魏公聞於朝命之官公判北

京薦為屬教育之如子弟所為或過舉公掛師魯像哭之朴亦早死

嫁其二女

墓志吳奎初與

鄉人王彭年友善彭年客死于京奎使長子主喪事周恤其家嫁其二女焉

父友五

增詩唐劉禹錫送同年子張盥詩曰爾生始懸弧我作
座上賓引箸舉湯餅祝詞天麒麟今成一丈夫坎坷愁
風塵長裾來謁我自號廬山人道舊與撫孤悄然傷我
神依依見耆隳默默含悲辛永懷同年友追想出谷辰
三十二君子齊飛凌煙旻曲江一會時後會已凋淪况
今三十歲閱世難重陳盛時一已過來者日日新不如
搖落樹重有明年春火後見琮璜霜餘識松筠肅機乃

獨秀武抱一絕倫爾今持我詩西見二重臣成賢必念
舊保節在安貧清時為丞郎氣力侔陶鈞乞取升斗水
因之雲漢津

薦友一

增易曰拔茅連茹以其彙征吉 禮記曰儒有爵位相
先患難相死久相待遠相致其任舉有如此者 家語
曰行修而名不章友之罪也 文選曰因雲灑潤則芬
澤易流

薦友二

增史記曰管仲囚於堂阜鮑叔薦於桓公 漢書曰魏
其侯灌夫二人以友善相引重 通鑑曰劉先主訪士
於襄陽司馬徽徽曰識時務者在乎俊傑此間有伏龍
鳳雛先主問為誰曰諸葛孔明龐士元也 晉書曰桓
溫與庾翼友善相期以寧濟之事翼薦溫於明帝曰桓
溫少有雄略勿以常人遇之

薦友三

原蕭朱

王貢

上蕭育朱博事
陽貢禹事俱見交友類

下王

增讓友改官

感恩訪舊

宋劉錡與李常友善發運使楊佐欲薦常
改官常願先薦錡佐曰不見此風久矣遂

並薦之

元史陳旅游京師翰林侍講虞集見其所為

文嘆曰此所謂我老將休付子斯文者矣薦之除國子

助教歷官國子監丞旅每感集為知己集歸田數載旅

不計千里訪集於臨川集感其來留旬日而別惓惓以

斯文相勉集每與學者語

必以旅為平生益友也

薦為僕射

擢以拾遺

漢書

鄭崇弟立與高武侯傅喜同門學相友善喜為大司馬

薦崇擢為僕射唐書蕭昕河南人開元中首舉博學

宏詞授陽武簿後選左拾遺昕嘗與布衣張錫友善表

薦之曰如錫者用之則為王者師不用之則為幽谷一

與耳明皇擢錫

與同分義

獨賞風標

海內先賢傳
潁川鍾皓字

拾遺後為將相

欽定四庫全書



御定四庫全書

卷二百五十三

五

李明為郡功曹時陳寔為西門亭長皓與同分義皓辭
公府太守問誰可代君皓曰明府必得其人西門亭長
可也 下陸機戴
淵事見前交友類 文舉之升一鶚 陶洪之拔二龍

上見孔融薦禰衡表 吳志漢末陶洪薦劉繇欲令舉
茂才刺史曰前年舉公山柰何復舉正禮乎洪曰若使
君用公山於前擢正禮於後所謂馭二龍於長途
騁騏驥於千里不亦可乎劉岱字公山繇兄也

薦友四

增表漢孔融薦禰衡表曰臣聞洪水橫流帝思俾乂旁
求四方以招賢俊昔世宗繼統將弘祖業疇咨熙載羣
士響臻陛下睿聖纂承基緒遭遇厄運勞謙日昃惟岳

降神異人並出竊見處士平原禰衡年二十四字正平
淑質貞亮英才卓犖目所一見輒誦於口耳所暫聞不
忘於心性與道合思若有神弘羊潛計安世默識以衡
準之誠不足怪忠果正直志懷霜雪見善若驚疾惡若
讐任座抗行史魚厲節殆無以過也鷺鳥累百不如一
鶚使衡立朝必有可觀飛辯騁辭溢氣空涌解疑釋結
臨敵有餘昔賈誼求試屬國詭係單于終軍欲以長纓
牽致勁越弱冠慷慨前代美之近日路粹嚴象亦用異

才擢拜臺郎衡宜與為比如得龍躍天衢振翼雲漢揚
聲紫微垂光虹蜺足以昭近署之多士增四門之穆穆
鈞天廣樂必有奇麗之觀帝室皇居必蓄非常之寶若
衡等輩不可多得激楚陽阿至妙之容掌伎者之所貪
飛兔褭絕足奔放良樂之所急也臣等區區敢不以
聞陛下篤慎取士必須效試乞令衡以褐衣召見必無
可觀采臣等受面欺之罪

增書吳魯肅薦龐統書曰龐士元非百里才也使處治

中別駕之任始當展其驥足耳 周瑜薦魯肅書曰魯肅忠烈臨事不苟可以代瑜倘所言可采瑜死不朽矣

思友一

增毛詩曰一日不見如三秋兮 又曰風雨淒淒雞鳴
喈喈 又曰風雨如晦雞鳴不已 又曰無思遠人勞
心忉忉 又曰蒹葭蒼蒼白露為霜所謂伊人在水一
方溯洄從之道阻且長溯游從之宛在水中央

思友二

增世說曰謝安謂王羲之曰中年以來與親友別輒作
數日惡羲之曰年在桑榆自應爾語林曰嵇康素與

呂安友每一相思輒千里命駕本事詩曰元相公稹

為御史鞠獄梓潼時白樂天尚書在京與名輩游慈恩

寺小酌花下為詩寄元曰花時同醉破春愁醉折花枝

當酒籌忽憶故人天際去計程今日到梁州時元果至

褒城亦寄夢游詩曰夢君兄弟曲江頭又向慈恩院裏

游驛吏喚人排馬去忽驚身在古梁州千里神交若合

符契白有感夢記備記其事

思友三

原停雲落月

陶潛詩序停雲思友人也 杜甫夢李白詩落月滿屋梁猶疑照顏色

憂奕奕思悠悠

詩未見君子憂心奕奕 又曰悠悠我思

增夢尋高惠

思繫許詢

韓非子六國時張敏與高惠為友每相思不能見敏便於夢中往尋行至半道即迷

不知路遂回如此者三 世說劉尹曰清風朗月令人輒思元度

歌成黃鵠 牋託

白雲

蘇武贈李陵詩黃鵠一遠別千里顧徘徊 謝朓辭隋王牋白雲在天龍門不見去德滋永思德滋

深

三載千秋 幾年一面

李陵贈蘇武詩嘉會難再遇三載為千秋 杜少陵

送敬使君詩幾年一會面今日一
悲歌少壯樂相得歲寒心匪他

隆雨驚風暮雲

春樹

謝朓賤邈若隆雨翩似秋帶來暫贈石崇詩翕如
翔雲會忽若驚風散杜甫春日憶李白詩渭北

春天樹江

東日暮雲

思友四

原見容輝

古詩夢想見容輝

增天各一涯

古詩行行重行行與君生別離相去

萬餘里各在一天涯道里阻且長會面安可期

金瓶落井

古樂府有信數寄書無信長相憶莫

作瓶落井一去無消息李白詩金瓶落井無消息令人行歎復坐思

一別三春

杜甫贈王

侍御詩一別星橋下三移斗柄春

十日不見

杜甫偏側行偏側復偏側我居巷南子巷北可

憐鄰里間十日
不一見顏色

聚散十春

杜甫別蔡著作詩憶念
鳳翔都聚散俄十春

夢想三年

韓愈贈元協律詩寤寐
想風采於今已三年

思友五

原詩漢梁鴻思友詩曰烏嚶嚶兮友之期念高子兮僕

懷思想念恢兮爰集茲

增魏曹植詩曰高臺多悲風

朝日照北林之子在萬里江湖迴且深方舟安可極離

思故難任孤鴈飛南游過庭長哀吟翹思慕遠人願欲

託遺音形影忽不見翩翩傷我心

原晉曹攄思友人

詩曰密雲翳陽景霖潦淹庭除嚴霜凋翠草寒風振纖
枯凜凜天氣清落落卉草疎感時歌蟋蟀思賢詠白駒
情隨玄陰滯心與回飈俱思心何所懷懷我歐陽子精
義測神奧清機發妙理自我別旬朔微言絕於耳褰裳
不足難清揚未可俟延首出階檐佇立增想似 陶淵
明停雲詩曰靄靄停雲濛濛時雨八表同昏平路伊阻
靜寄東軒春醪獨撫良朋悠邈搔首延佇 又曰停雲
藹藹時雨濛濛八表同昏平陸成江有酒有酒閒飲東

窓願言懷人舟車靡從 又曰東園之樹枝條再榮競
用新好以招余情人亦有言日月于征安得促席說彼
平生 又曰翩翩飛鳥息我庭柯斂翮閑止好聲相和
豈無他人念子實多願言不獲抱恨如何 梁王僧孺
春日寄鄉友詩曰旅心已多恨春至尚離羣翠枝結斜
影綠水散圓文戲魚兩相顧游鳥半藏雲何時不憫默
是日最思君 增宋謝朓詩曰芳洲有杜若可以定佳
期清風動簾夜孤月照窓時安得同攜手酌酒賦新詩

唐羅鄴寄友詩曰秋庭悵望別君初折柳分襟十載
餘相見或因中夜夢寄來多是隔年書攜尊座外花空
老垂釣江頭柳漸疎裁得詩憑千里鴈今年寧不憶吾
廬

增書唐白樂天與元微之書曰四月十一日夜樂天白
微之不見足下面已三年矣况以膠漆之心置於吳越
之地進不能相合退不能相忘牽率乖隔各欲白首微
之微之如何如何僕初到潯陽時有熊孺登來得足下

前年病甚時一札上報病狀次序病心終論平生交分
且云危愒之際不暇及他唯收數帙文章封題其上曰
他日送達白二十二郎便請以待書悲哉微之于我也
其若是乎又觀所寄聞僕左降詩曰殘燈無焰影幢幢
此夕聞君謫九江垂死病中驚起坐暗風吹雨入寒窓
此句他人尚不可聞况僕心哉至今每吟猶惻惻耳計
足下久不能得僕書必加憂望今故錄三韻以先奉報
其餘事况條寫如後云云微之微之作此書夜正在草

堂中山窓下信手把筆隨意亂書封題之時不覺欲曙
舉頭但見山僧一兩人或坐或睡又聞巖猿谷鳥哀鳴
啾啾平生故人去我萬里瞥然陳念此際暫生餘習所
牽便成三韻云憶昔封書與君夜金鑾殿後欲明天今
夜封書在何處廬山庵裏曉燈前籠烏檻猿俱未死人
間相見是何年微之微之此夕此心君知之乎居易頓
首

過友人一

增毛詩曰惠然肯來 又曰既見君子云胡不喜 莊

子曰夫逃虛谷者聞人足音則跂然而喜況乎昆弟親

戚之謦欬其側乎

跂人行聲小聲曰謦大聲曰欬

過友人二

增淮南憲王傳曰子高乃幸左顧存恤

左顧猶言枉顧古之長者居右

少者居左長者顧少者故曰左顧

又曰漢薛宣為丞相朱雲往見之

宣謂曰在田野無事且留我東閣可以觀四方奇士雲

曰小生乃欲相吏耶 潛確類書曰郭林宗見友人范

達至夜冒雨剪韭作湯餅今洛人皆效之 魏志曰山

陽王粲字仲宣蔡邕見而奇之時邕才學顯著貴重朝

廷常車騎填巷聞粲在門倒屣迎之粲至年既幼弱容

貌短小一坐盡驚邕曰此王公孫有異才吾不如也吾

家書籍文章當盡予之 明語林曰何文肅喬新景泰

進士知温州夜乘小艇訪虞徵君原璩坐久索飲村居

無所覓何曰雖酸醅亦可乃出新醢一瓶共酌劇談竟

夕而別時稱何虞醋交 又曰劉尚書麟每退食如坐

禪室楊閣老石齋過之見雙藤依戶飄香載道歎曰此
與東牟劉榮祖何異晚歲欲樓居力不能營文待詔為
繪神樓居圖遺之騷人墨客爭為題咏

過友人三

增剡水乘舟

豫章設榻

世說王子猷居山陰夜大雪開室命酌四望皎然因起傍

徨詠左思招隱詩忽憶戴安道時戴在剡即便乘小舟詣之經宿方至既造門不前而反人問其故曰乘興而行興盡而反何必見戴後漢書陳蕃初為青州太守郡人周璆高潔之士郡守召命莫肯至惟蕃能致焉特為一榻去

易衣改席 白飯青芻

南史羊欣嘗詣謝鯤謝易衣改席然

後見之欣由此益知名
杜甫贈竇侍御詩肯訪浣花老翁無為君酤酒滿眼酤與奴白飯馬青芻
原

會造嵇康 達過陶侃
世說嵇康夏月于大樹下鍛旬子期佐之鍾會結客同造之康

視鍛如故旁若無人良久不交一言會去康曰何所聞而來何所見而去會曰聞所聞而來見所見而去會大恥之遂深怨恨
下陶侃母事

過友人四

原飲酒

左傳臧武仲如晉雨過御叔御叔將飲酒曰焉用聖人我將飲酒而已雨行何以聖為注武仲

多智人謂之聖人

造請諸公

張湯傳造請諸公造至也詣也請謁問也

千里相

期

後漢書范式字巨卿與汝南張劭字元伯為友二人並告歸鄉里式謂劭曰後二年當還將過拜尊親見

孺子焉共刻期日後期至元伯具白母請設饌待之母
曰二年之別千里結言何相信之深耶對曰巨卿信士

必不乖違至日果到
升堂拜母盡歡而別

彌日信宿

漢書郭林宗別傳林宗至汝南造袁奉高

車不停軌驚不輟軌詣
黃叔度乃彌日信宿

昔枉光塵

應休璉詩自昔枉光塵結言固始終

把臂林皋

古詩把臂入林皋

高駕徽言

李白詩多君枉高駕贈我以徽言

過友人五

增詩唐李賀高軒過詩曰華裾織翠青如葱金環厭轡

搖玲瓏

增書魏應璩與滿炳書曰昨者不遺猥見照臨雖侯生

納顧於彝門毛公受眷於逆旅無以過也 謝安與支
遁書曰人生如寄耳頃風流得意之事殆為都盡終日
慙慙觸事惆悵惟遲君來以晤言消之一日當千載耳
韓愈荅張籍書曰聆其音聲接其辭氣則有願交之
志因緣幸會得遂所圖豈惟吾子之不棄抑僕之所遇
有時焉耳

患難友一

增毛詩曰習習谷風維風及雨將恐將懼維予與女

禮記曰父母在不許友以死 又曰患難相死 周禮
注曰任信于友道恤憂患也 白虎通曰朋友之道有
四患則死之 諸葛武侯曰歷險夷而益固

患難友二

增孔叢子曰邠成子自魯聘晉過於衛右宰穀臣止而
觴之陳樂而不作飲畢而送以璧成子不辭其僕曰不
辭何也成子曰夫止而觴我親我也陳樂不作告我哀
也送我以璧託我也由此觀之衛其亂矣行三十里而

聞衛亂作右宰穀臣死之成子於是迎其妻子還隔宅

而居之 晉書曰元帝時應詹為建武將軍家富於財

時京兆常泓喪亂之後又遭饑疫客游洛陽素聞詹名

依託之詹與分甘共苦情若兄弟為之婚娶置宅與居

又薦於帝以至顯官詹卒泓制朋友之服追趙武嬰杵

之義祭詹終身 類書纂要曰錢應高溧陽人景定中

寇陷建康時故人趙淮宿其家為寇執應高聞淮死追

之不及乃哀號投荆溪而死 又曰陳大年字彥求貢

辟雍同舍生陳仲防患疫人皆避大年曰疾病相棄豈友誼耶為召醫仲防瘥曰彥永真生死交情也

患難友三

增左杜

殷顏

綱鑑周宣王將殺杜伯而非其罪伯之友左儒爭之九復而王不許曰汝別君

而異友儒曰君道友逆則順君以誅友友道君逆則順友以違君王怒曰易而言則生不則死儒曰士不枉義以從死不易言以求生臣能明君之過以正杜伯之無罪王殺杜伯左儒死之舊唐書趙煜性孝弟敦重交友雖經艱危不改其操少時與殷寅顏真卿柳芳陸據蕭穎士李華邵軫同志友善天寶中語曰顏殷柳陸蕭李邵趙以其重行誼敦友道也

看疾

求醫

世說荀巨伯遠看友人疾值賊攻郡友令其去

巨伯曰敗義以求生豈苟巨伯所行耶賊至巨伯曰友人
有疾不忍委之寧以身代賊義之遂班軍而退宋侯可字
無可華陰人少與申顏為友顏病重千里求醫未歸而顏
卒目不瞑人曰其待侯君乎且歛而可至撫之乃瞑顏無
子不克葬可辛勤營計鬻衣相地卒葬之一日可自遠歸家
以宴告適友人郭行扣門曰吾父病醫索錢百千賣吾廬而
不可售可惻然計囊中裝略當其數遂盡與之

寄縑以祠

援琴而鼓

上王丹事見前訓子類

琴操其思革子戶

文子叔術子三人為友聞楚成王好士三人俱往見之卒逢飄風暴雨俱伏于空柳之下衣寒糧乏
度不能俱活二子以革子為賢推衣糧與之革子固辭
二子曰子不我受俱死何庸乎于是革子受之二子凍
餓而死其思革揭衣糧而去往見楚王王知其賢饗之
革子有憂悲之色楚王乃推樽罷樂升琴而進之其思
革子援琴而鼓作相與別散之曲

委書柩

上 賣餅市中

後漢書范式嘗至京師受業太學時諸生長沙陳平子同在學與式未相見而

平子被病曰山陽范式烈士也可託死吾歿但以尸埋巨卿戶前乃裂素為書遺巨卿既終妻從其言適巨卿還省書見瘞愴然感之向墳拜哭為死友乃營護妻兒身自送喪于臨湘未至四五里乃委素書于柩上哭別而去魏略趙岐字臺卿藏匿避難賣餅市中孫嵩見岐非常人呼而問之遂與俱歸嵩先入白母曰出行乃得死友迎上堂饗之

代行絕域

往訪循州

類書纂要狄仁

傑為并州法曹與同僚鄭崇質友善崇質當使絕域母老且病仁傑請代之有詔免行蘇文定集宋巢谷字元修四川普州人舉進士二蘇在朝未嘗一見及謫嶺海谷往訪轍握手相泣又欲往海南訪軾至新州病死轍聞哭之失聲曰谷于朋友之義無媿高恭而前遇存保後遇余兄弟也

患難友四

原不恤之刑

周禮八刑六曰不恤之刑

增併糧

烈士傳羊角哀左伯桃相與為死友

欲仕于楚遇雨雪不得行飢寒無計度不俱生乃併衣糧與角哀伯桃入樹中而死楚平王愛角哀之賢嘉伯桃之義以公卿禮葬之

望門投止

綱鑑張儉亡命困迫望門投止後止李篤家外黃令毛欽

操兵到門篤引欽就席曰張儉負罪豈得藏之若審在此此人名士明廷寧宜執之乎欽曰蘧伯玉恥獨為君子足下如何當取仁義篤曰今欲與明公分之明公載半去矣欽歎息而去

原不救繫獄

漢書申屠蟠友人馮雍繫獄豫州黃琬欲殺之或勸蟠救之蟠不行曰黃子琬為吾耶未必合罪如不用雖言

何益琬聞釋雍罪

與汝偕死

吳範事詳前交友類

增以柳易播

新唐書劉

禹錫貶播州柳宗元曰播非人所居而禹錫親在堂吾不忍其窮無辭以白其大人如不往便為母子永訣即具奏欲以柳州授禹錫而自往播會大臣亦為禹錫請得改連州

日陪屨杖

史黃庭堅謫宜

州與零陵蔣渾相友善時庭堅名在黨籍中士大夫畏禍不敢往還獨渾日陪屨杖次年庭堅召還未行疾作渾往見庭堅大喜握手曰身後事託君矣及卒渾為棺斂具舟送還

患難友五

增誌銘唐韓昌黎柳子厚墓誌銘曰嗚呼士窮乃見節義今夫里巷相慕悅酒食遊戲相徵逐詡詡強笑語以相取下握手出肺肝相示指天日涕泣誓死生不相背

負真若可信一旦臨小利害僅如毛髮比反眼若不相
識落陷穽不一引手救反擠之又下石焉者皆是也此
宜禽獸所不忍為而其人自視以為得計聞子厚之風
亦可以少媿矣

擇交一

增易曰君子定其交而後求 文中子曰君子先擇而
後交故寡尤小人先交而後擇故多怨

擇交二

增嵇康高士傳曰井丹字大春狄道人博學未嘗書刺
候謁人梁松請友丹不肯見後遂隱遯 荀氏家傳曰
荀彧簡貴不能與常人交接所交者皆一時雋傑彧卒
至葬夕赴者千餘人皆同年名士也哭之感動路人

魏志曰將軍張遼與其護軍武周有隙就刺史溫承求
交吳質質辭以疾遼出遇質曰僕委意於君何以相辜
如此質曰古人之交也多取知其不貪奔北知其不怯
聞流言而不信故可終也武伯南身為雄士往者將軍

稱之不輟口今以睚眦之恨反成嫌隙况質才薄豈能
終好是以不願也遼感其言復與周平 唐書曰陸龜
蒙不喜與流俗交雖造門不肯見

擇交三

增閉門

異席

續漢書趙典閉門却掃非德不交 六
帖楊仁辟司徒桓虞府掾朱章貪奢不

法仁終不與

原郭詣仇覽

王拒陳遵

後漢書仇覽
字季智太學

交言同席

中與同郡符融比字常自守不與融言融奇之曰志士
交結之秋雖務經學守之何固覽正色曰天子修設太
學豈使人游談其中乎融告郭林宗林宗因與融齊刺
詣之遂留宿林宗嗟歎下牀為拜 又曰陳遵欲交王

丹丹拒而不許

增不交名士

辭友貴人

齊春秋王僧祐字喬宗亭然獨立不

交當代名士王思遠之徒託意請交並不降意自天子

與侯伯未嘗與一人游焉後漢書曰張霸遷侍中虎

賁中郎將鄧騭當朝貴盛聞霸名行欲

與為交遂巡不荅衆笑其不識時務

清身潔已

簡質純彝

上解系事見父友類野人也性純彝

梁書庾說字彥實新所游狎河東柳惲欲

與之交拒而不許

傅嘏辭交

嚴遵却友

世說何晏鄧颺夏侯太初並求傅嘏

交而嘏終不許諸人因荀彧說合之傅曰夏侯太初志

大心勞能合虛譽誠所謂利口覆國之人鄧颺何晏有

為而躁博而寡要外好名利而內無關鑰此三賢者皆

敗德之人遠之猶恐罹禍况可親之哉後皆如其言

高士傳嚴遵字君平蜀人也楊雄少從之游數稱其德

李溫為益州牧喜曰吾得君平為從事矣卒不能屈王

鳳請交不許歎曰益我財者損我神
生我名者殺我身故不許時人服之

恥交兵子意

薄司空

零陵先賢傳曰張飛嘗與劉巴宿巴不與語飛遂忿恚孔明謂巴曰飛雖武人愛慕足下足下

雖天爵高宜少降意巴曰大丈夫處世當交四海英雄如
何與兵子共語世說南陽宗世林與魏武同時而薄
其為人不與之交及魏武作司空總朝政從
容問宗曰可以交未荅曰松柏之志尚存必交長

者惟友名流

唐書張巡所交必大人長者不與庸俗合又孔緯多與有名者游

擇交四

原未之許

後漢書侯霸欲友王丹霸子見丹下車拜丹荅謝霸子曰大人方願交驩奈何拜小子丹

曰君房有是言丹未之許也

增服其裁量

世說許子將嘗到潁川多長者之游惟不詣陳

仲弓又陳仲舉妻喪還葬鄉人俱至許獨不往或問其故子將曰太丘道廣廣則難周仲舉性峻峻則少通故不造也時人服其裁量

躬耕林藪

晉陽秋譙秀字元彥巴西人諱周孫性清靜不交於俗李

雄盜蜀安車徵秀秀不應躬耕林藪桓溫平蜀上表薦之

交皆名士

唐書鄭綱善屬文所交皆

天下名士

名士夙儒

又曰蕭復非名士夙儒不與游以清操顯

輕襲衣裾

世說

琅邪王元長才名甚盛欲與徐勉相識每託人召之徐謂人曰王郎名高望促難可輕襲衣裾俄而元長及禍時人服其幾鑒

能交豪傑

唐書孔述睿少修潔能交當時豪傑

游皆豪俊

彙纂

韓滉幼有令名所游必天下豪俊

擇交五

增詩唐孟郊審交詩曰種樹須擇地惡土變木根結交
若失人中道生謗言君子芳桂性春濃寒且繁小人槿
花心朝在夕不存莫躡冬冰堅中有潛浪翻惟當金石
交可與賢達論

絕交一

原詩曰習習谷風維風及雨將恐將懼惟予與汝將安
將樂汝轉棄予 詩注曰伐木廢則朋友缺矣 增樂
毅曰古之君子交絕不出惡聲 江乙曰以財交者財

盡則交絕以色交者華落而愛渝

絕交二

增史記曰越石父賢在縲紲之中晏子出遭之塗解左
驂贖之載歸弗謝入閨久之石父請絕晏子懼然攝衣
冠謝曰嬰雖不仁免子於厄何求絕之速也石父曰不
然吾聞君子屈於不知已而伸於知己者方吾在縲紲
之中彼不知我也夫子既已感悟而贖我是知己也知
已而無禮固不如縲紲之中 原漢書曰張耳陳餘始

居約時相然信死豈顧問哉及據國爭權卒相滅亡何
向者相慕之誠後相背之戾也勢利之交古人羞之蓋
謂是矣 增東觀漢記曰王良字仲子東海人少清高
為司徒司直以病歸一歲復徵至滎陽疾篤不任進道
乃過其友人友人不肯見曰不有忠言奇謀而取大位
何其往來屑屑不憚煩也遂拒之良慙自後連徵輒稱
疾 原世紀曰王恭王都二人素相友善恭父曰恐非
子之友後遂不終

絕交三

原喪朋

賣友

易東北喪朋
臣欲誅諸呂

史記

酈寄與呂祿善大

勃等令勃寄父商使寄給祿呂祿信之故與出游

從

好流言

漢書孔僂曾祖父子建與崔篆交篆勸仕王莽建曰吾有布衣之戀子有衮冕之志各從

所好禮記久不相見聞流言而不信

割席

署門

上詳交友類下翟公事詳交友類

朱穆論

嵇康書

漢書穆字公叔疾時交游不篤輕為棄絕故作絕交論

為三公舉嵇康自代康聞與書絕之

增徙居合浦

託契燉煌

通鑑母將隆為

都尉王莽慕與交不甚附之莽秉政徙居合浦三國春秋李嗣與燉煌太守李嵩結刎頸之交常以宗族託

嵩曰我身猶子身勿為疑也及後嵩反為嗣所構嵩深恨之

責為郡吏 恨奪黃

門東觀漢記梁鴻初與京邑蕭友善約不為臣及友為郡吏鴻以書責之而去魏志鍾繇傳王弼為人淺

而不識物情初與王黎荀融友善黎奪其黃門郎於是恨融與黎亦不終

恐其薦已 諷

以絕交

表叔貞隱士傳鶚冠子隱居山林衣弊履穿以鶚為冠莫測其名因服成號著書言道家事馮

煖嘗師事焉煖後顯於趙鶚冠子懼其薦已也乃與煖絕焉徐廣青箱記相國掾口調有盛名同郡任覽與調友善鄭亮謂覽曰調奸雄必以禍終子宜絕之後調果敗

絕交四

原如遺

詩棄子如遺

思怨

又曰忘我大德思我小怨

棄子

子舉曰朋友不以是

乘

又相謗也

傳樂轡與華弱少相狎長相優又相謗也

增富貴易

漢書富貴

易交亦人情耳

前交後絕

新序吳有士張胥鄙譚夫吾前交而後絕張胥鄙有罪拘將死譚夫

吾合徒取之出于道而後知其夫吾也輟行辭曰吾義不同子故前交而後絕吾聞之君子不以安肆志不以危易行吾今從子是安則肆志危則易行也吾因子而生不若拘而死閻閻聞之命吏釋之胥鄙辭曰吾義不因於譚夫吾故免也遂觸牆而死譚夫吾聞之曰致任而不受佞也不知而出之愚也佞不可以接上愚不可以事君吾行虛矣吾亦恥以此立於世乃絕頸而死

遣弟離婚

齊書初劉逖與祖班以文義相

得結陳雷之契又為聘班之女班之將免魏彥深等也先以告逖仍付密啓令其奏聞彥深等豫知之先自申理班由是疑逖告其所為及班被出逖遣弟離婚其輕交易絕如此

解裳自隔

天中記劉琨與

友人會稽孔逸同舟於塘上遇一女子過目送之曰美而豔璉曰是豈君子所宜言乎非吾友也於是解裳自

隔

請絕

類書纂要陳瓘初與蔡卞交後見卞奸邪遂請絕

絕交五

原詩漢朱穆與劉伯宗絕交詩曰北山有鷗不潔其翼飛不正向寢不定息飢則木棲飽則泥伏饕餮貪汚臭腐是食填腸滿嗉嗜欲無極長鳴呼鳳謂鳳無德鳳之所趨與子異域永從此訣各自努力

原書魏應瑒報龐惠恭書曰夫蕭艾之歌發於中宿子

衿之思起於嗣音況實三載能不有懷雖萱草樹背皋
蘇在側悵憤不逞祇以增毒朝隱之官賓不往來喬木
之下曠無休息抱勞而已足下剖符南面振威千里行
人子羽朝夕相繼曾不枉咫尺之路問蓬室之舊過意
賜書辭不半紙慰藉輕於繒縞譏望重於丘山是角弓
之詩所以為刺也值鷺羽於宛丘騁駿足於株林發明
月之輝光照佼人之窈窕斯亦所以眩耳目之觀聽亡
聲名於知友者也 晉嵇康與山濤絕交書曰柳下惠

東方朔達人也安乎卑位吾豈敢短之哉仲尼兼愛不
羞執鞭子文無欲卿相而三登令尹且延陵高子臧之
風長卿慕相如之節志氣所託亦不可奪也吾每讀尚
子平臺孝威傳慨然慕之想其為人又縱逸來久情意
傲散簡與禮牴背嬾與慢相成而為儕類見寬不攻其
過故使榮進之心日頽任實之情轉篤此由禽鹿少見
馴育則服從教制長而見羈則狂顧頓纓赴蹈湯火雖
飾以金鑣饗以嘉肴愈思長林而志在豐草也又人倫

有禮朝廷有法自惟至熟有必不堪者七甚不可者二
臥喜晚起而當關呼之不置一不堪也抱琴行吟弋釣
草野而吏卒守之不得妄動二不堪也危坐一時痺不
得搖性復多蝨把搔無已而當褰以章服揖拜上官三
不堪也素不便書不喜作書而人間多事堆案盈几不
相酬荅則犯教傷義欲自勉強則不能久四不堪也不
喜弔喪而人道以此為重已為未見恕者所怨至欲見
中傷者雖矍然自責然性不可化欲降心順俗則詭故

不情亦終不能獲無咎無譽如此五不堪也不喜俗人

而當與之共事或賓客盈坐鳴聲聒耳囂塵臭處千變

百技在人目前六不堪也心不耐煩而官事鞅掌機務

纏其心世故繁其慮七不堪也又每非湯武而薄周孔

人間不止此事會顯世教所不容此甚不可一也剛腸

疾惡輕肆直言遇事便發此甚不可二也以促中小心

之性統此九患不有外難當有內病寧可久處人間耶

又聞道士遺言餌朮黃精令人久壽意甚信之遊山澤

觀魚鳥心甚樂之一行作吏此事便廢足下見直木必不可以為輪曲者必不可以為桷蓋不欲枉其天才令得其所也不可自見好章甫強越人以文冕也今但願守陋巷教子孫時時與親舊敘闊陳說平生濁酒一杯彈琴一曲志願畢矣 增唐張九齡書曰初則許之以死殉體面俱柔終乃背之而飽飛身名已遂

原論後漢朱穆絕交論曰世之務交游也甚矣不敦於業不忌於君犯禮以追之背公以從之事替義退公輕

私重 梁劉孝標廣絕交論曰若夫組織仁義琢磨道

德驩其愉樂恤其凌夷寄通靈臺之下遺迹江湖之上

風雨急而不輟其音霜雪寒而不渝其色斯則賢達之

素交歷萬古而一遇逮叔世民訛徂詐颺起蹊谷不能

踰其險鬼神無以究其變競羽毛之輕趨錐刀之末於

是素交盡利交興天下蚩蚩鳥驚雷駭然利交同源派

流則異較言其略有五術焉若其寵均董石權壓梁竇

彫刻百工鑪錘萬物九域聳其風塵四海疊其熏灼靡

不望景星奔藉響川驚約同要離焚妻子誓殉荆卿湛
七族是曰勢交其流一也富埒陶白貲巨程羅山擅銅
陵家藏金穴則有窮巷之賓繩樞之士薰宵燭之末光
邀潤屋之微澤銜恩遇進款誠援青松以示心指白水
而旌信是曰賄交其流二也陸大夫宴喜西都郭有道
人倫東國公卿貴其藉甚搢紳羨其登仙加以顓頊颺
顓涕唾流沫騁黃馬之劇談縱碧雞之雄辯於是有弱
冠王孫綺紈公子道不挂於通人聲未適於雲閣攀其

鱗翼丐其餘論附騏驥之旄端軼歸鴻於碣石是曰談
交其流三也陽舒陰慘生民大情憂合歡離品物恒性
故魚以泉涸而煦沫鳥因將死而鳴哀同病相憐綴河
上之悲曲恐懼寘懷昭谷風之盛典斯則斷金由於湫
隘刎頸起於苦蓋是以伍員濯漑於宰嚭張王撫翼於
陳相是曰窮交其流四也馳騫之俗澆薄之倫無不操
權衡秉纖纊衡所以量其輕重纊所以屬其鼻息若衡
不能舉纊不能飛雖顏冉龍翰鳳雛曾史蘭薰雪白視

若游塵遇如土梗莫肯費其半菽罕有落其一毛若衡
重錙銖續微影撇雖共工之菟隱驩兜之掩義南荆之
跋扈東陵之巨猾皆為匍匐逶迤折枝舐痔金膏翠羽
將其意脂韋便辟導其誠謀而後動芒毫寡忒是曰量
交其流五也凡斯五交義均賈鬻故桓譚譬之於闔閭
林回喻之於甘醴近世有樂安任昉海內髦傑早綰銀
黃夙昭民譽道文麗藻方駕曹王英特俊邁聯橫許郭
類田文之愛士同鄭莊之好賢見一善則盱衡扼腕遇


一才則揚袂抵掌至顧盼增其倍價翦拂使其長鳴影
組雲臺者肩摩趨走丹墀者疊迹莫不締恩狎結綢繆
想莊惠之清塵庶羊左之微烈及瞋目東粵歸骸洛浦
總帳猶懸門罕漬酒之彥墳未宿草野絕動輪之賓貌
爾諸孤朝不謀夕流離大海之南寄命瘴癘之地自昔
把臂之英金蘭之友曾無羊舌下泣之仁寧慕邱成分
宅之德嗚呼世路嶮巇一至于此太行孟門豈云嶮絕
是以耿介之士疾其若斯裂裳裹足棄之長驚獨立高

山之頂驩與麋鹿同羣皦皦然絕其零濁誠恥之也誠
畏之也

御定淵鑑類函卷二百五十三

謹案卷二百五十二第六頁後四行齊幼卿為文
學刊本學訛章據漢書儒林傳改

第六頁後六行行無擇善刊本誤作言行無擇據
魏書改



總校官庶吉士

臣

張能照

校對官檢討

臣

王福清

校對官檢討

臣

龔大萬

膳錄舉人

臣

勵守訓

膳錄監生

臣

劉鳳樞

欽定四庫全書

子部

御定淵鑑類函卷二百五十四

五四

詳校官兵部主事臣雷純



欽定四庫全書薈要卷一萬二千七百二

子部

御定淵鑑類函卷二百五十四

人部十三

故人
賓主

喪友
好客

故人一

增書曰人惟求舊

故人二

增漢書曰張安世兄賀幸於衛太子太子敗賓客皆誅
安世為賀上書得下蠶室後為掖庭令而宣帝以皇曾

孫收養掖庭賀視養拊循恩甚密焉及帝即位而賀已死賀子早死無子子安世小男彭祖又少與上同席硯上追思賀恩封彭祖為陽都侯賜賀諡曰陽都哀侯賀有孤孫霸年七歲拜散騎中郎將賜爵關內侯漢史曰光武引嚴光入道故舊共卧光以足加帝腹太史奏客星犯帝座帝笑曰朕與故人嚴子陵共卧耳南史曰竟陵王誕反廣陵范義為誕司馬宋克廣陵誕與義皆伏誅蔡興宗奉旨慰勞廣陵興宗與范義素善收斂

其尸送歸豫章宋主謂曰卿何敢故觸王憲對曰陛下
自殺反臣臣自葬故交何不可之有宋主有慙色 唐
書曰唐公踐天子位多引貴臣共榻劉文靜時為納言
固諫帝曰宿昔之情何可忘也 舊唐書曰唐明皇微
時與姜皎親善及誅竇懷貞等皎與有功由是寵遇特
厚出入臥內至與后妃連榻宴飲宋璟言皎權寵太過
非所以安之上以為然下制曰西漢諸將以權貴不全
南陽故人以優閒自保皎宜放歸田園勲封如故

故人三

增脫驂

遺馬

上孔子過舊館人事詳喪友類東觀漢記杜林與馬援同里素相親厚援南

方還時林馬適死援令子持馬一匹遺林曰朋友有車馬之饋林受之居數月林遣子奉書曰將軍內施九族外存賓客望恩者多林父子兩人食列卿祿常有盈餘今送錢五萬援受之謂子曰人當以此為法

同

食

共衣

韓子吳起與故人期食不至終日不食故人來乃食南史范史雲與同郡尹苞友善二

人居貧出入共一單衣到入門外尹年長嘗先著衣入須臾出解與雲

嫁女

授官

唐書

嚴挺之重交遊許與生死不易嫁故人孤女數十人當世稱之又曰王顯與太宗有嚴子陵之舊每掣彈為戲持帽為歡及帝登極召其三子皆授五品官顯獨不及謂曰卿無貴相朕非為卿惜官也顯曰朝貴而夕死

可笑時僕射房玄齡曰陛下既有龍潛之舊何不
試與之帝與之三品取紫袍金帶錫之其夜卒

回

車

覆水

陶淵明詩窮巷隔深轍頗回故人車歡然酌
春酒摘我園中蔬杜甫詩哀哉練裙子負

薪躡破履豈無故
交親逝去如覆水

不忘著簪

勿遺跣屨

韓詩外傳
孔子遊于

少原之野問婦人哭于澤中甚哀孔子使弟子問焉對
曰向刈著薪亡吾著簪是以哀孔子曰刈著薪而亡著

簪有何悲也對曰非傷亡著簪吾所以悲不忘故也

賈子楚昭王與吳戰楚軍敗走王遺其跣屨已行三十

步王返取之左右怪而問之王曰楚國雖貧豈無一屨

哉吾悲其與俱出而不與之俱返也于是楚俗無相棄

者

贈以綈袍

遺之紈扇

史記范雎為秦相聞魏使
須賈至雎乃微行見賈賈

曰范叔一寒至此哉乃取綈袍贈之後雎謂賈曰公所
以得無死者以綈袍戀戀有故人之意也古今注漢

朱買臣字翁子為會稽太守懷章綬至舍亭而郡人未之知也舊知錢勃見其暴露乃勞之曰得無罷乎遺以純扇買臣至郡引為上客

飯之脫粟 贈以生芻

漢書公孫弘為丞相食故人高

賀以脫粟飯覆以布被賀怨曰何用故人富貴為脫粟布被我自有之怒而去語人曰弘身服貂蟬外衣麻象內厨五鼎外膳一肴其儉菲也弘聞之慙曰寧逢惡賓不逢故人鄒長倩公孫弘之故人也贈弘生芻一束素絲一襪撲滿一枚書遺之曰撲滿者以土為之蓄錢之具也有入而無出滿則撲之士有聚而不散者將有撲滿之敗

不聽求官 必與均禮

唐書裴均為相有故人求京兆尹判

可不戒乎

司均曰公才不稱此官不敢以故人之私傷朝廷至公又曰岑文本本于生平故人雖羈賤必與均禮又劉仁

軌雖貴顯接故舊如布衣時

大亮懷恩

李晟篤義

舊唐書隋末李亮為賊

所獲賊帥張弼見而異之遂定交于幕下貞觀末弼為將作承自匿不言大亮過諸塗而識之持弼而泣悉推家產以遺之言于太宗曰臣有今日之榮貴張弼之力也乞迴臣之官爵以授之太宗即以弼為中郎俄遷代州都督唐書李晟

奏樂享賓

賦詩送別

唐書丘和靖與

高祖有舊後和靖入朝詔其子師利迎之及謁見高祖為引入卧內語平生歡甚奏九部樂饗之宋史陳慥字季常元豐二年蘇東坡謫黃州至岐亭有白馬青蓋來迎乃故人陳慥也留三日賦詩而別載入

後宮

盛陳陞衛

史記陳勝既王其故人傭耕者聞之乃至陳叩宮門曰吾欲見勝門令不

為通勝出遮道而呼勝乃召見載歸後漢書隗囂使馬援觀公孫述援與述舊同里門相善以為既見當握手如平生而述盛陳陞衛以延援入

故人四

增無失其故

檀弓孔子之故人原壤登木曰久矣子之不託于音也

歌曰貍首之班然執女手之卷然夫子為弗聞也者而過之從者曰子未可以已乎夫子曰丘聞之親者無失

其為親也故者無失其為故也

喜會故人

口口景差至蒲騷見宋玉曰不意重見故人慰此去

國戀戀之心昨到夢澤喜見楚山之碧眼力頓明今人會故人開心目足矣

故友舊交

未

則五等論商鞅欺故友李斯囚舊交

沉醉釀川

鄭弘事見前交友類

稱其義烈

後漢書朱暉與同郡陳揖交善揖早卒有遺腹子友暉嘗哀之後司徒桓虞為南陽太守召暉子駢為吏暉辭

駢而薦友一時稱其義烈

擢用舊交

魏志何晏遷侍中主選曹宿與有舊者多擢用之

契分愈密

唐書裴寂大業中歷侍御史晉陽宮副監唐公淵雅與厚及留守太原契分愈密

攜手笑語

又曰韋表微篤故舊雖庸下必與攜手笑語

故人五

增詩唐高適逢謝偃詩曰紅顏為別久白髮始相逢惟

餘昔時慮無復舊時容

又白居易傷友詩曰陋巷孤

寒士出門苦棲棲雖云志氣在豈免顏色低平生同門

友通籍在金閨曩昔膠漆契邇來雲雨睽正逢下朝歸

車騎五門西是時天久陰三日雨淒淒蹇驢避路立肥

馬當風嘶迴顧忘相識
占道上沙堤昔年洛陽社貧賤
相提攜今日長安道對面隔雲泥
近日多如此非君獨
慘淒死生不變者惟聞任與黎
又郎士元詩曰數年
音信斷不意在長安馬上相逢久
人中欲認難一官今
懶道雙鬢竟羞看莫問生涯事
只應把釣竿 宋張子
厚答劉子先詩曰洞霄宮裏一間人
東府西樞老舊臣
多謝姑蘇賢太守殷勤分送洞庭春
又劉子先謝張
子厚詩曰故人天上有書來責我疎
愚喚不回兩處共

瞻千里月十年不寄一枝梅塵泥自與雲霄隔駑馬難
追德驥才莫謂無心向門下也曾終夕望三台

喪友一

增禮記曾子曰朋友之墓有宿草而不哭焉宿草陳根
也謂暮年又曰孔子曰父之友吾哭諸廟門之外師
吾哭諸寢朋友吾哭諸寢門之外又曰主人三年喪
則為之再朋友虞祔而已又曰朋友虞祔而弔退非
從主人也儀禮曰主喪禮朋友在他國袒免歸則已

注謂無主喪者當為之主每至袒時則去冠代之以免舊說象冠廣一寸以上歸有主則止也如幼弱則不止也又曰朋友雖無親有同道之恩相與服衰經帶檀弓羣居則經出則否不弔服也朋友有恩相為總服即士之疑服素冠也

喪友二

增說苑曰鮑子死管子舉上衽而哭之泣下如雨從者曰非君父子也此亦有說乎管子曰非夫子所知也吾

嘗與鮑子負販于南陽吾三辱于市鮑子不以我為怯
知我之欲有所明也鮑子嘗與我有所說而三不見聽
鮑子不以我為不肖知我之不遇明君也鮑子嘗與我
臨財分貨吾自取多者三鮑子不以我為貪知我之不
足于財也生我者父母知我者鮑子也士為知己者死
而況為之哀乎 左傳曰孟孫死臧孫紇入哭甚哀多
涕出其御曰孟孫之惡子而哀如是季孫若死其若之
何臧孫曰季孫之愛我疾疾也孟孫之惡我藥石也美

疾不如惡石夫石猶生我疾之美其毒滋多 孔叢子

曰秦莊子死孟武伯問孔子曰古者同僚有服乎答曰
聞諸老聃昔號叔閔天太顛散宜生南宮适五人同僚
比德以贊文武及號叔死四人為服古之達禮者行之
淮南子曰惠施死而莊子寢說言世莫可為語也

唐書曰張道源嘗與友人客游友人中宵而卒道源恐
驚擾主人遂共屍卧達曙方哭步送喪至其鄉

喪友三

原挂劍

絕絃

綱鑑廷陵季子返挂劍于徐君墓樹而去說苑鍾子期死伯牙遂絕絃

驢鳴

車載

世說孫楚字子荆與王濟為友濟死子荆哭之曰夫子好驢鳴乃作一聲聲體俱似

坐客皆笑之

後漢書任末字叔本遊京師教授友人董奉德於洛陽病亡末躬推車載奉德致于墓所由是

名知哀梁棟

歎山河

晉書衛玠卒謝鯤哭之慟曰棟梁折不覺哀耳世說王戎經

黃公酒壚歎曰昔與嵇叔夜阮嗣宗酣暢于此竹林之遊亦預其末嵇阮亡吾為時羈縻今視之雖近邈若山

河也越界迎喪

修墓種樹

後漢書皇甫規為度遼將軍友人王昱喪還規縞素

越界迎之人告并州刺史胡芳宜舉奏芳曰吾為朝廷受才遂無所問又范武張邵少為友邵死武素車白

馬號哭而赴母望見曰必巨卿也式修墓種樹而去

增善惡一人

總麻三月

唐書權皋德輿之父大歷中卒于家韓洞王定為服明友之喪李華為其墓表以為分天下善惡一人而已

三輔決錄游殷為胡軫所害同郡吉伯房郭公休與殷同歲相善為總麻三月

代親復讎

為周子舍

東觀漢記鄧暉友人董子張父先為鄉人所害及子張病將終暉往候之子張流涕視暉

不能言暉曰吾知子不悲天命而悲離不復也暉即起將客遮仇人取其頭以示子張子張見而氣絕又崔

瑛字季珪友人公方早卒瑛撫其孤恩如已子

賦詩攜酒

廢斤輟絃

北史盧元

明友人王由居潁川忽夢由攜酒就之言別賦詩為贈及明憶其十字云自茲一去後朝市不復游元明歎曰

由旅寄人間乃有今夢詩復如此必有他故經三日果聞由為亂兵所殺尋其亡日乃是發夢之夜世說支

道林喪法虔之後精神殞喪風味轉墜常謂人曰昔匠石廢斤於郢人牙生輟絃于鍾子推已外求良不虛也

冥契既逝發言莫賞中心蘊結
余其亡矣却後一年支遂殞

事母撫孤

卹家嫁

女 蜀志張喬字君嗣蜀郡成都人少與隄為揚恭友善
恭早死遺孤未數歲喬分居事恭母如母恭子長大

為之娶妻買宅產業使立門戶 晉書紀瞻慎行好施
老而彌篤少與陸機兄弟相親善及機被誅瞻周卹其

家及嫁女資
送同于所生

喪友四

原吾已

左傳鄭子皮卒于產哭曰吾已無為為善矣
唯夫子知我注云無人知己之善故曰吾已

遺愛

左傳子產卒仲尼聞之
出涕曰古之遺愛也

鼓琴歌

莊子子桑扈孟
子友琴張三人

相友子桑死孔子使子貢往弔或編曲或鼓琴相和歌
曰嗟來桑扈乎而已反其真而我猶為人子貢趨而問

曰臨尸而歌禮乎二人相視而笑曰是惡知禮意

賑給

朱暉事見前

增棄官收

葬

後漢書曰陳蕃既被害友人陳留朱震時為鉅令聞之棄官哭而收葬

尚有典刑

後漢

書孔融與蔡邕友卒後有虎賁士貌類邕融每酒酣引與同坐曰雖無老成人尚有典刑也

自送

南陽

廣州先賢傳董正字伯和番禺人也隱士南陽車遂字德陽聞正令名不遠萬里徑來投正正道同

志合恩如伯仲數年中遂得病正為傾家救卹疾篤命絕殯歛之禮如同生身自送喪于南陽

迎喪

營葬

南史范雲好節尚奇少與領軍王暕善咳亡于官雲迎其喪還家躬為營葬

故衣一

篋

語林王賢江陵人明初監生與友王讓同居讓往江南以故人贈銀十兩故衣一篋託賢收之未幾賢除

鹽城令讓除子陽令尋卒後十餘年賢致仕還以所寄物與讓子讓子泌不受白于官拘而與之

贖

女助喪

紀典纂要子寬成化舉人友任良病死良妻鬻二女治喪寬贖還之

喪友五

原詩梁吳均傷友詩曰可憐桂樹枝懷芳君不知摧折
寒山裏遂死無人窺 又任昉哭范僕射詩曰平生禮
數絕式瞻在國楨一朝萬化盡猶我故人情 已矣平
生事詠歌盈篋笥兼復相嘲謔常與虛舟值何時見范
侯還叙平生意

原詩魏王祭思友賦曰登城隅之高觀忽臨下以翱翔

行遊目於林中覩舊人之故塲身既沒而不見餘迹存
而未喪滄浪浩兮迴流波水石激兮揚素精夏木兮結
莖春鳥兮愁鳴平原兮泱泱綠草兮羅生超長路兮逶
迤實舊人兮所經身既逝兮幽翳魂渺渺兮藏形 增
晉向秀思舊賦序曰余與嵇康呂安居上接近其人竝
有不羈之才然嵇志遠而疎呂心曠而放其後各以事
見法嵇博綜技藝于琴特妙臨當就命顧視日影索琴
而彈之余逝將西邁經其舊廬于時日薄虞淵寒冰淒

然鄰人有吹笛者發聲寥亮追思曩昔游宴之好感音
而歎遂作賦云將命適于遠京兮遂旋反而北徂濟黃
河以汎舟兮經山陽之舊居瞻曠野之蕭條兮息余駕
乎城隅踐二子之遺跡兮歷窮巷之空廬歎黍離之愍
周兮悲麥秀于殷墟惟古昔以懷今兮心徘徊以躊躇
棟宇存而弗毀兮形神逝其焉如昔李斯之受罪兮歎
黃犬而長吟悼嵇生之永辭兮顧日影而彈琴託運遇
于領會兮寄餘命于寸陰聽鳴笛之慷慨兮妙聲絕而

復尋停駕言其將邁今遂援翰而寫心 又陸機歎逝

賦曰悲夫川閱水以成川水滔滔而日度世閱人而為
世人冉冉而行莫人何世而弗新世何人之能故木每
春其必華草無朝而遺露經終古而常然率品物其如
素譬日及之在條恒雖盡而弗悟雖不悟其可悲心惆
焉而自傷亮造化之若茲吾安取夫久常痛靈根之夙
隕怨具爾之多喪悼堂構之頽瘁愍城闕之丘荒親彌
懿其已逝交何戚而不忘咨余今之方殆何視天之芒

芒傷懷悽具多念戚貌瘁而眇歡幽情發而成緒滯思
叩而興端慘此世之無樂詠在昔而為言居充堂而衍
宇行連駕而比軒彌年時其詎幾夫何往而不殘或冥
邈而既盡或寥廓而僅半信松茂而栢悅嗟芝焚而蕙
歎苟性命之弗殊豈同波而異瀾瞻前軌之既覆知此
路之良難啟四體而深悼懼茲形之將然毒娛情而寡
方怨感目之多顏諒多顏之感目神何適而獲怡尋平
生於響像覽前物而懷之步寒林以悽惻翫春翹而有

思觸萬類以生悲歡同節而異時年彌往而念廣塗薄
暮而意迫親落落而日稀友靡靡而愈索顧舊要於遺
存得十一於千百樂隕心其如忘哀緣情而來宅託末
契於後生余將老而為客指彼日之方除豈茲情之足
攪感秋華於衰木瘁零露于豐草在殷憂而弗違夫何
云乎識道 原梁江淹傷友賦曰泣然霑衣兮悲哀友
之英秀系神緒而作氏肩靈枝而啟胄轢四代而式昌
洎十葉而克茂友人之生川岫降明譬如冬雪既華既

潔將似秋月至麗至徹乃上代而少雙故叔世而曠絕
弔蕙若之暫芳慟琬琰之永缺余幼好於斯人乃神交
于一顧邈疇年之繾綣竊生平之遊遇懷愛重於素壁
結分珍於黃金捨一世而笑淺訪古人而求深固齊術
而共徑豈異袖而同襟爾凝情於霜柏我發志於冬桂
帶瑤玉而爭光握隨珠而比麗予結誼兮梁門復從官
兮朱藩何人徑之亟阻而天道之匪存凋碧玉之神樹
銷紫芝之靈根承遠書於江滙結深痛於爾魂

原書梁任昉與沈約書曰范僕射疾遂不救范侯淳孝
睦友在家必聞直道正色立朝斯著一金之俸必徧親
倫鐘庾之秩散之故舊佐命興王心力俱盡謀猷忠允
諒誠匪躬破產而字死友之孤開門而延故客之殯則
惟其常無得而稱矣器用車馬無改生平之素憑論款
對不易布素之交若斯人者豈容易遇昉將莅此邦務
在適速雖解駕流連再貽款顧將乖之際不忍告別無
益離悲祗增今悵永念平生忽焉疇曩追尋笑緒皆成

悲端 又弔樂永世書曰永世孝友之至發自天真皎
潔之操曾非矯飾意有所固白刃不移理有所托淄澠
自辨餘息惟存視陰無幾終始之託方寄祁侯豈謂樂
生反先朝露以理遣滯鄙識未曉以事尋悲哀楚交至
宿草易滋傷恨不減松楸可拱悲緒無窮 又劉孝標
追答劉沼書曰劉侯長逝化為異物緒言餘論蘊而莫
傳或有自其家得而示予者予悲其音徽未沫而其人
已亡青簡尚新而宿草將列泣然不知涕之無從也雖

隙駟不留尺波電謝而秋菊春蘭英華靡絕故存其梗
槩更酬其旨若使墨翟之言無爽宣室之譚有徵冀東
平之樹望咸陽而西靡蓋山之泉聞絃歌而赴節但懸
劍空隴有恨如何

增魏文帝與吳質書曰昔年疾疫

親故罹其灾徐陳應劉一時俱逝痛可言耶昔日游處
行則連輿止即接席謂百年可共相保何圖數年之間
零落殆盡言之傷心頃撰其遺文合為一集觀其姓名
已為鬼錄追思昔遊猶在心目而此諸子化為黃壤可

復道哉 唐李嶠答李清河書曰昨自歷亭路還至臨

清展一慟於崔氏舉目酸咽良不可任變故幾何氣序
遄革舊館荒毀殘蟬悲鳴夫情生于有情之地古人所
以登峴山而淚下聽鄰笛而淒涼誠有以也亡友崔生
才高位下盛年夭閼同志遽絕絃之傷有識深埋玉之
恨其藻綴鮮華姿采秀舉故已久處大府呈諸水鏡可
略言也所未盡者此君幼無怙恃終鮮兄弟有田一廛
桑竹靡樹孀姊返室諸甥候門移愛敬之慕以奉之假

友悌之歡以臨之貧病為感慨之資羈栖無學植之半
終能抗跡泥滓高步京華交結盡一時之信文章滿談
者之口亦為難矣加以重襟期敦賑施良辰美景故或
自遠而至一俎一觴繼以繒紵亦無絕於時所以薄俸
不資於目前孤遺不給於身後古人稱清吏真不可為
者豈徒言哉兄仁及遺簪禮緡追賻千古之下凜然獨
高凡百賓寮孰不激節然其懸罄之室所費多端舊業
偃師交質他族淹泊已夕又頻濟施贖莊之餘颯爾復

盡今授衣附及窀穸有期合門嗷嗷靡所控告亡友卒
日惠愛在人吏忙追感道路血泣而簡書是懼賄祿莫
申夫所以惡貪饕而懲貨賄者豈不憑怙作威紊我公
道耶今則異於是積東里之仁既將萬化同盡企江西
之潤方為萬口所懸適足以重仁恩而敦教義也惟兄
實深圖之儻一言辱及羣願獲伸豈惟崔氏獨受其賜
亦二三朋友所佩服焉幸甚

賓主一

增易曰有不速之客三人來敬之終吉 又曰觀國之

光利用賓于王 又曰包有魚不利賓 尚書曰修五

禮注吉凶軍賓嘉 洪範曰八政七曰賓 詩曰我有

嘉賓鼓瑟鼓琴 又曰我有嘉賓中心貺之 又曰為

賓為客獻酬交錯 又曰序賓以賢 禮記曰賓客主

恭 又曰賓禮每進以讓 又曰主人親速客速召也

又曰主人敬客則先拜客客敬主人則先拜主人

又曰凡與客入者每門讓于客客至于寢門則主人請

入為席然後出迎客客固辭主人肅客而入主人入門而右客入門而左主人就東階客就西階又曰天子諸侯無事則歲三田一為乾豆二為賓客又曰若非飲食之客則布席席間函丈左傳曰諸侯賓至奠設庭燎賓至如歸又曰周諺曰賓有禮主則擇之周禮曰太宰以八統馭萬民八曰禮賓又曰太宰以九式均節財用二曰賓客之式又曰六職二曰教職以懷賓客懷安也又曰庖人掌賓客之禽獻注謂獻禽

供賓客 又曰六聯二曰賓客之聯事 又曰六儀二

曰賓客之容謂矜莊也 又曰以燕饗之禮親四方之

賓客 又曰八辟二曰議賓之辟賓客有罪先議之

又曰秋官野廬氏掌野之道路宿息井樹注宿息廬之

屬客所宿及晝止者也井供飲食樹為藩蔽若有賓客

則令守涂地之人聚櫟之有相翔者誅之相翔謂伺候

將為盜者 又曰大行人掌大賓之禮與大客之儀以

親諸侯 又曰小行人掌邦國賓客之禮籍以待四方

之使者 又曰凡行人之儀不朝不夕不正其主面亦
不肯客謂儼相傳辭不正東向不正西向常視賓主之
前却得兩向之而已 又曰環人掌送迎邦國之通賓
客以路節達諸四方舍則授館令聚橐有任噐則令環
之 又曰凡賓客至掌客掌獻飲食享禮眡之餐牢注
餐食始至小禮也 又曰凡禮賓客國新殺禮凶荒殺
禮札喪殺禮禍灾殺禮在野在外殺禮注殺節省其費
用也 老子曰樂與餌過客止 韓文曰魚川泳而鳥

雲飛是賓主之相得也

賓主二

增國語曰單襄公如楚候不在疆司空不視塗澤不陂
川不梁膳宰不致餼左傳曰會於王父謀王室也趙
簡子令輸王粟具戍人曰明年將納王宋樂大心曰我
不輸粟我與王為客若之何使客戰國策曰汗明見
春申君三月乃見春申君大悅之汗明欲復談春申君
曰僕已知先生矣汗明慨然曰君之賢不如堯臣之能

不及舜夫以賢舜事聖堯三年而後乃相知也今君一
旦而知臣是君聖於堯而臣賢於舜也春申君曰善乃
召門吏為先生著客籍五日一見漢書曰王莽為宰
衡時甄豐旦夕入謀議時人語曰夜半客甄長伯後
漢書曰傳賢遷廷尉賢素廉正自掌法官門無私客

英雄記曰袁紹居洛陽西北隅不妄通賓客非海內知
名不得相見三輔決錄曰頻陽游殷字季齊初為郡
功曹有童子張既者時未知名為郡書佐殷察異之敕

既過家具設賓饌 晉傳曰王珣兒婚賓客車騎甚衆

會聞王雅拜少傅迴詣雅者過半 晉書曰嵇喜為太

僕知廐駒馮陵英俊待以賓客之禮以狀表上 世說

曰王劉每不重蔡公二人嘗詣蔡語良久乃問蔡曰公

自言何如夷甫答曰身不如夷甫王劉相目而笑曰公

何處不如荅曰夷甫無君輩客 南史曰謝瞻兄晦為

宋臺右衛權遇已盛於彭城還都迎家賓客輻輳時瞻

在家驚駭謂晦曰吾家以退遜為業汝遂勢傾朝野此

豈門戶之福耶 唐書曰王毛仲有寵於明皇百官附
之一日毛仲嫁女上問何所須毛仲頓首謝曰臣萬事
已備但未得客明日上謂宰相朕奴毛仲有婚事卿等
宜與達官悉詣其第既而日中客未敢舉箸待宋璟久
之方至先執酒西向拜謝飲不盡庖遽稱腹痛而歸
又曰李逢吉當國畏裴度復相使京兆尹劉栖楚等十
人排却之雖度門下賓客皆有去就意他日度置酒延
客栖楚曲意自解附耳語崔咸疾其矯舉酒讓度曰丞

相乃許所由官囁嚅耳語願上罰爵度笑受而飲之栖
楚不自安趨出坐上莫不壯之

賓主三

原吹笙

設燎

詩我有嘉賓鼓瑟吹笙 左傳 諸侯賓至奠設庭燎賓至如歸

就館

壞垣

入曰叔弓如晉晉人曰子姑就館 又曰子產如晉壞其館之垣而納車馬士文伯曰繕垣葺

牆以待賓客今吾子壞之其若異客何

增貴賓

上客

上崔道固事見 庶母類 魏畧

劉備屯於樊城諸葛亮見備備以諸生待之備性好結
昵時適有昵牛尾與備者備因手自結之亮曰將軍當
復有遠志但結昵而已備知亮非常
人乃投昵而起以上賓之禮待之

浮湛

率素

漢書

陳遵與賓客晝夜呼號酒肉相屬嘗謂張竦曰足下諷誦經書苦身自約而我放意自恣浮湛俗間官爵功名不減於子而差樂顧不優耶晉傳陸納為吳興太守將之郡先至姑孰辭桓溫時王坦之刁彘在坐及受禮惟酒一斗鹿肉一样坐客愕然徐曰明公可飲酒三升納止可二升今有一斗以備餘溫及賓客歎其率素

過舍

造門

史記曰司馬相如字長卿素與臨邛令王吉善吉日長卿久客旅遊不遂可來

過我舍于是相如後往臨邛富人卓王孫程鄭相謂曰令有貴客為具召之漢書張揖治嚴氏春秋古文尚書門徒常數百人賓客慕之自父黨宿儒皆造門

連榻

卧牀

世說杜預拜鎮南將軍朝

士畢賀乃連榻而坐羊琇裴楷後至曰杜元凱乃復連榻坐客耶遂不坐而去魏志許汜與劉備並在劉表坐表與備共論天下人汜曰陳元龍湖海之士豪氣不除備曰君言豪寧有事耶曰昔過下邳見元龍元龍無

客主意自上大牀卧使客卧下牀備曰君有國士之名
所望有救世之意而君求田問舍言無可采是元龍所
諱也何緣當與君語如我欲卧百尺樓上
卧君於地何但上下牀之間耶表大笑
惡賓殘

客

上公孫弘事見故人類梁書張纘字伯緒與何敬
容意趣不協敬容居權軸賓客輻輳有過詣纘者輒

拒不前曰吾不能
對何敬容殘客

去事驃騎

命歌驪駒

漢書大將
軍青退歸

驃騎去病日貴青門下客多去事驃騎輒得官爵惟任
安不去漢書儒林傳王式字翁思徵為博士既至諸

博士持酒肉勞之博士江公心嫉式命歌吹諸生曰歌
驪駒式曰聞之師客歌驪駒主人歌客無庸歸今日諸
君為主人口尚早未可也江公曰經何以言之式曰在
曲禮江公曰何狗曲也式曰恥為豎子所辱遂免歸

東道主

西都賓

左傳鄭伯謂秦曰若舍鄭以為東
道主行李之往來其乏困西

都賦曰有西都賓
問於東都主人

雲聚禹廷

星占荀里

尚書大傳
舜為賓客

禹為主人是卿雲聚俊人集百工相和
而歌卿雲 下陳寔荀淑事見父子類

投刺攝齊

拂筵整帶

蘇州志通賢橋東有吳丞相顧雍宅自雍
至孟名著四代常居此宅門無雜客投刺

攝齊者皆一時英俊 南史孔休源到都寓於少府孔

登宅侍中范雲一與相遇深加褒賞後雲命駕到少府

登便拂筵整帶以為詣已備水陸之品雲駐筇命待休

源及至令取其常膳止有赤倉米飯蒸鮑魚雲食休源

食不舉主人之饌高談盡

食分三客 名重五侯

列士

日同載還家登深以為愧 傳孟嘗君食客三千人所有三列上客食肉中客食魚

下客食菜齊市中有乞食人馮煖經冬無袴面有饑色

願得上厨 漢書樓護字君卿為人短小精

主客相

辨聽之者皆竦然與谷永俱為五侯上客

忘

賓朋分校

襄陽記諸葛孔明每至德公家獨拜牀下司馬德操嘗詣德公值其渡沔上先

人墓德操徑入其室呼德公妻子使速作黍徐元直向云當來就我與德公談其妻子皆羅拜堂下奔走供設

須臾德公還直入相就不知何者是客也南史何思澄字元靜少勤學工文重交結入華林園撰遍畧分書

與諸賓

北道主人

東門嘉客

後漢書常山太守鄧晨會光武于鉅鹿請

朋校定

從擊邯鄲光武曰偉卿以一身從我不如以一郡為我北道主人郭子桓大司馬病篤謝公省病從東門入

桓遙矚而歎曰吾門中久不復見如此客

門無雜客

座有嘉賓

宋書曰袁粲字

景倩陳郡人閑默寡言善吟諷獨酌園庭以自適居負南郭時策杖獨游素寡往來門無雜客文士見過不過一兩人梁書何敬容為尚書令左丞參掌佐史以妾弟事免職後起加侍中賓客門生喧譁如故冀其復用

會稽謝郁
致書戒之

康衢長者 涿郡中郎

尹文子康衢長者
字儻曰善搏字大

曰善噬賓客不過其門者三年長者怪而問之人以寔
對於是改之賓客復往蜀志簡雍字憲和涿郡人少
與先主有舊隨從先主至荊州雍與
樂竺孫乾共為從事中郎常為談客
窗中窺客門

下延賓

列女傳漢中楊子拒妻字大英子仲珍有高名
常請客母盛為供具從窗中窺客罷讓之曰吾

視汝所交皆不及已此自損之道也後歲餘復請客皆
者德秀士母觀之喜曰無憂矣晉傳王推既貴幸威
權甚震門下車騎常數百
而雅善應接傾心禮之
玳簪珠履
紫轂緇駟史記

趙平原君使人於春申君黃歇春申君舍之于上舍趙
使欲誇楚為玳瑁簪刀劍室以珠玉飾之請命春申君
客春申君三千客皆躡珠履以見趙使趙使大慚後
漢書袁紹有姿貌威容愛士養名既累世台司賓客歸

附傾心折節莫不爭赴其庭士無貴賤與之抗禮紫轂緇駟填接巷陌

盈門數千客

作書二十篇

史記孟嘗君在薛招致諸侯賓客以故傾天下之士食客數千人無貴賤一與文等

天中記尸子晉人名佼秦相衛鞅客也鞅謀事畫計未嘗不與佼規商君被刑恐併誅乃亡逃入蜀作書二十篇十九篇言道德仁義之記一篇言九州險阻水泉所起也

館賓辟為官屬館

以下僚

漢書御史大夫張忠辟孫賓為屬欲令授子經更為館舍儲待南史謝方明為會稽太守時

何長瑜教惠連讀書亦在郡內靈運謂方明曰長瑜當令仲宣而館以下賓之食尊既不能貴賢宜以長瑜還靈運載之而去

欲陪太祝

將愧龍圖

問見錄富鄭公之父甚貧客呂文穆公門

下一日白公曰有子十歲許欲令入書院事廷評太祝公許之文穆見之驚曰此兒他日名位與吾相似供給

甚厚後鄭公果兩入相云世說滕龍圖達道布衣時
常為范文正公門客時范公尹京兆而滕方年少往往
潛出狎遊縱飲范公一夕至書室中滕已出矣因明燭
覲以俟意將愧之至夜分乃大醉而歸范公陽不視滕
畧無慚愧長揖問曰公所讀何書曰漢書復問漢高祖
何如人公逡巡走入

慇懃警客

高曠愛才

青瑣集韓魏公出鎮中山有門客夜踰牆出
娼家公知之作種竹詩以警之曰慇懃洗滌

加培植莫遺狂枝亂出牆客自愧作詩曰主人若也憐
高節莫為枝狂贈斧斤公置一女奴贈之世說錢文

僖守西都謝希深歐陽永叔同在幕下一日遊嵩山自

潁陽歸暮抵龍門香山俄而雪作登石樓望都城各有

所懷于煙靄中有車馬渡伊水來既至則文僖遣厨傳

歌妓至傳語曰山行良佳少留龍門賞雪無遽歸也其

高曠愛

豹隱名堂

雁聲寄詠

宋趙平叔客連水軍
郡守召至門下數年

才如此

平叔以館職守漣水後守以所居為豹隱堂石曼卿有詩云熊飛清渭逢何暮龍卧南陽去不還年少客遊令郡守蔚然只在立談間王奇謀有聲場屋為李文定客文定薨章聖臨奠屏間有詩云雁聲不到歌樓上秋色偏欺客路中愛之即召見占對稱旨特許赴殿試謝詩云不拜春官為座主親逢天子作門生

賓主四

增賓以特牲

左傳賓以特牲晉悼公救災之道

原趙孟為客

左傳宋公魚享

晉楚之大夫趙孟為客注座所尊也趙武謚文子

臧紇為客

左傳季孫飲大夫酒臧紇為客

以為上客

漢書蒯通見曹相國曰梁石君齊之俊士也隱居不嫁未嘗卑節下意以求仕也願

足下使人禮之曹相國曰敬受命以為上客

增將軍揖客

漢書大將軍衛青既益尊妙為

皇后然汲黯與亢禮或說黯曰自天子欲令羣臣下大將軍大將軍尊貴誠重不可以不拜黯曰夫以大將軍有揖客反不重耶

自安舊節

又曰成都侯王商子邑為大司空貴重商故人

皆敬事邑惟樓護自安如舊節邑亦父事之不敢有闕時請召賓客邑居尊下稱賤子上壽坐者百數皆離席伏唯護獨東向正坐謂邑曰公子貴如何

質疑問事

又曰張竦免官以列侯居長安貧無賓客

時時好事者從之質疑問事論經書而已

君嗣疲

葛亮志張裔字君嗣為諸葛亮長史叱詣亮諮事

送車數百輛與親故書曰晝夜接賓客人敬丞相長史男子張君嗣附之疲倦欲死

辟後聽之

世說孫長樂兄弟就謝公宿言至款雜劉夫人在辟後聽之具聞其語謝公明日還問昨客何似劉對曰亡兄門大有如此賓客謝深有愧色

此客逼人

晉書謝安弱冠詣王濛濛曰此客盛盛為來逼人

有此客不

世說謝安造桓溫溫甚喜言平生歡笑竟日既出溫問左右頗嘗見我有此客不

此客噉名

又曰石軍詣晉簡文顧語孫興公曰此噉名客簡文曰天下自有利齒兒

不

衣自煖

齊書謝超宗坐公事免詣公府門自通其日風寒慘厲太祖謂四座曰此客至使人不衣自煖

矣超宗既坐飲酒數甌辭氣橫出太祖對之甚欣拔為驃騎諮議及即位轉黃門郎

芳林十哲

撫言郭薰者與丞相于都尉向為硯席之交及琮居重地復綰財賦薰不能避譏嫌而樂為夜半客咸通中薰及沈雲翔等十人皆交通中貴號芳林十哲芳林門名由此入內故也

廊廟之人

錄薛

簡肅知成都范蜀公方為舉子一見愛之館于府第俾與子弟講學曰范君廊廟人也後簡肅還朝載蜀公以去或問簡肅曰自成都歸得何奇物曰蜀珍產不及道吾歸得一偉人耳

自題客舍

彙纂蔣欽

緒歷吏部員外郎始韓琬為高郵主簿使京師自負其
才有不遇之言題客舍他日欽緒見之笑曰是子歎後
時耶久之琬舉賢良方正欽緒擢其文異等

賓主五

原賦魏陳思王曹植娛賓賦曰遂衍賓而高會兮丹幃
煜以四張辨中厨之豐膳兮作齊鄭之妍倡文人騁其
妙說兮飛翰墨而成章談在昔之清風兮總聖賢之紀
綱欣公子之高義兮德芬芳其若蘭揚仁德於白屋兮
踰周公之棄粲聽仁風以忘憂兮美酒清而有乾

增書梁謝郁戒何敬容書曰君侯已得瞻望多士出入
禁門醉尉將不敢呵灰然不無其慚甚休甚休昔竇嬰
楊惲亦得罪明時不能謝絕賓客獨交黨援卒無後福
終益前禍人人所以猶有踵君侯之門者未必皆感惠
懷仁有灌夫任安之義乃戒翟公之大署冀君侯之復
用也君侯豈能鑒焉 唐李嶠上高長丈書曾越嚴序
敬趨下風希口吻之芳音候眉宇之陽氣而堂上百里
駿明無撤器之因門下三千毛遂之處囊之地

增論漢王符潛夫論曰勢有常趣理有固然富貴則人
爭附之此勢之常趣也貧賤則爭去之此理之固然也
夫與富貴交上有稱譽之用下有貨財之益與貧賤交
大有賑貸之費小有假借之損是故富貴雖新其勢日
親貧賤雖舊其勢日隙此處子所以不能與官人競也
昔魏其之客流於武安長平之吏移於冠軍廉頗翟公
載盈載虛夫以四君之賢客猶若此況乎生貧賤者哉
唐李德裕賓客論曰古人稱周公吐握下士而天下

歸心惟周公則可何也文王之子武王之弟成王之叔
父於天下無嫌矣故惟周公則可蓋稟上聖之資邪不
能入是以好士不為累也漢武為戾太子立博望苑使
通賓客多以異端進者始皆欲招賢而天下賢人少小
人多賢人難進小人易合難進者鴻冥易合者膠固矣
何以知之劉渙有枚乘鄒陽不用其言而應高田祿伯
為其羽翼劉武有鄒陽韓安國不用其謀而羊勝公孫
詭為其心腹劉安行陰德好文辭雖愛神仙黃白未害

為善終以左吳伍被而敗以是而知雖骨肉之親非周公聖德皆不可也班固稱四豪者六國之罪人也今不復論矣呂不韋習戰國之餘風陳豨值漢網之疎闊逮乎魏其武安終以權勢相傾自武安之後天下切齒衛霍改節則賓客之為害固可知矣公孫弘起客館開東閣以延接賢人與參謀議非也然謂之賢人必非黨附朝宰交亂將相者矣其時武帝躬親萬幾嚴明御下人自守法不敢為非宰相唯有平津政出一門自然無傾

奪之勢具食客故人不居顯位似未足為朝廷患也然
主父偃言朔方地肥饒阻河蒙恬築城以逐匈奴公孫
弘以為不可朱買臣發十難弘不能得其一又奏人不
得挾弓弩吾丘壽王以為不便上以難丞相丞相詘服
則知平津之賓客不及天子之近臣明矣雖有賓客亦
何益於謀議哉況近世秉大政者常不下三四人而輕
薄游相門與柳槐齊列所謀以傾奪為首所議以勢利
為先是以魏其武安之徒共成禍敗劉班殷鐵之客不

相往來世道險巇無不由此昔漢武謂田蚡曰君除吏
盡未吾亦欲除吏哀帝責鄭崇曰君門如市又何以欲
禁切主上皆賓客之害也余謂丞相閉關謝絕賓客則
朝廷靜矣

好客一

增史記曰鄒衍重于齊造梁惠王郊迎執賓主之禮適
趙趙平原君側行襪席適燕昭王擁篲先驅請列弟子
之座而受業築碣石宮身往師之又曰魏有隱士侯

羸為夷門監者公子置酒大會賓客從車騎虛左自迎
侯生侯生攝敝衣冠直上載公子上座不讓以觀公子
公子執轡愈恭 晉書曰阮籍云子夏在於西河之上
而文侯擁篲鄒子處於黍谷之陰而昭王陪乘夫布衣
韋帶之士孤居特立王公大人所以禮下之者為道存
也 漢書曰灌夫謂田蚡曰將軍幸喜過魏其魏其夫
妻治具至今未敢嘗食 南史曰任昉為中丞簪裾輻
輳與其宴者號龍門游

好客二

賓客謁見附

原置驛

開閣

史記鄭莊字當時為太子舍人每五日休沐常置驛長安四郊請謝賓客夜以

繼日知友皆大父行天下有名之士戒門下客至亡貴

賤無留門執賓主之禮以貴下人白帖公孫弘起客

館開東閣延賓客公孫賀劉

倒屣迎

投轄飲

後漢書蔡

邕倒屣迎王粲漢書陳遵與人大飲酒賓

客滿座取客車轄投井中雖有急不得出

遺鯉魚

有車馬

古詩客從遠方來遺我雙鯉魚古詩門有車馬客

歌魚

登龍

戰國

策馮驩在孟嘗君門下彈鋏歌曰長鋏歸來乎食無魚

孟嘗君聞之乃與魚後漢書李膺風裁高峻士有被

其容接者

名登龍門

增率素

豐華

上陸納事見前賓客類世說羊曼拜丹陽尹客來

早者竝得佳設日晏漸罄不復及猜隨客早晚不問貴賤羊固拜臨海竟日皆美供雖晚至亦獲盛饌時以固

之豐華不及

連榻坐客

埽徑接賓

上杜預事見賓主類天寶遺

事王仁裕每大雪則自所居至坊巷口埽雪開徑迎接賓客至所居處宴飲謂之煖寒會

弟兄劇

飲

賓從獻酬

合辟事類陽城拜諫議大夫與二弟延賓客日夜劇飲南史羊侃不飲酒而

好賓遊終日獻酬同具醉醒

惟飾臺池

喜延賓客

唐書牛僧孺治第洛之歸

仁里多致嘉石美木與賓客娛樂新唐書畢垌喜賓客未嘗以有無計

合五侯鯖

為

十人饌

西京雜記漢五侯不相能賓客不得來往樓護傳食五侯問各得其歡心競致奇膳護乃合以

為鯖世傳五侯鯖

宋書劉穆之性奢豪食必分丈旦輒為十人饌未嘗獨餐

泛江置酒

至府設筵

南史孫瑒字德理頗奢豪庭院穿築極林泉之致賓客填門軒蓋不絕及出鎮郢州乃合

十餘船為大舫于中立亭池植荷芰每良辰美景賓僚並集泛長江而置酒亦一時之勝賞焉 國史補德宗

非時拜吳湊為京兆尹便令赴任疾驅諸客至府已列筵矣或問曰何速吏曰兩市日有禮席舉鎗釜而取之故三五百人饌常可立辦

使其食客 目為豪友

史記呂不韋招致士厚遇之至

食客三千人是時諸侯多辯士如荀卿之徒著書布天下不韋乃使其食客人人著其所聞集論曰呂氏春秋天寶遺事長安富民王元寶楊崇義郭萬金等國中巨豪也各延納四方名士競相供送朝之名寮往往出於門下科場文士亦集於數家時人目之為豪友

原捧銅盤而盟平原之賓

二十 躡珠履而會春申之客三千

綱鑑毛遂在十九人末與楚王盟後

呼十九人上盟曰公等碌碌所謂因人成事者也遂為上客

下春申君事見前

賓客謁見

屣履

命駕

世說度遼將軍皇甫規解官歸鄉有貨得雁門太守者謁規卧不起有頃白王符在

門乃驚遽而起衣不及帶屣履出迎時人為之語曰徒見二千石不如一逢拔南史何思澄終日造謁每夕

作名刺一束晚便命駕朝賢無不與狎有人方之樓護欣然當之投晚還家所齋名刺必盡

褊衡

懷刺

彭義登牀

本傳褊衡來遊許下陰懷一刺既無所適刺字遂滅蜀志彭義見龐統

統非義故舊又佐有賓客義徑上統牀卧曰須賓客罷與卿談賓罷請食然後語統大奇之

好客三

原一沐三握

細鑑周公下白屋之士一沐三握髮一飯三吐哺

三分二供

帖白

管仲念國用三分二在賓客
注謂二以供賓客也一在國

增以禮交之

史記魏公
子信陵君

為人仁而下士士無賢不肖皆讌而禮讓之致食客
三千人諸侯以公子賢多客不敢加兵謀魏十餘年

漿酒藿肉

鮑宣傳使奴從
賓客漿酒藿肉

恒滿坐

後漢書孔融為大
中大夫性寬少忌

誘掖後進常歎曰坐上客恒
渴尊中酒不空吾無憂矣

開門待客

華陽國志任
熙字伯遠開

門待賓客朝無
少長必有供膳

肉山酒海

見曹植與
吳質書

中厨豐膳

見曹

植娛
賓賦

終宴不疲

見曹植
公讌詩

周覽不倦

吳志諸葛融每
延賓高會輒問

賓客所能乃合榻促席選對博奕或枰蒲投
壺弓彈甘果繼進清酒徐行融周覽不倦也

座無空

席

晉書王渾為樂安將軍鎮壽陽時關人新附渾撫循
羈旅虛懷接納座無空席門不停謁士皆悅附焉

開筵以待

又曰車盾字武子風姿美幼機悟敏率桓溫在荊州取為從事循既博學多聞又善

于激賞當時每有盛坐必同之皆云無車公不樂太傅謝公游集之日開筵以待之也

別陳異

饌

周書長孫澄字士亮操履清約家無餘財惟對賓客接引忘疲雖不飲酒而好觀人酣常恐座客請歸每

敕中厨別進異饌留之

薄待賓客居家

拂坐

世說陶徵士居家凡貴賤造之

有酒輒設陶若先醉便語客我醉欲眠君且去南史王思遠立身簡潔諸客有詣已者覘知衣服垢穢方便不前形儀新楚乃與促席去

麥飯葱菜

濁酒素筍

後猶令二人交帚拂其坐處

後漢書丹字大春建武末沛王輔等五王皆好賓客更請丹不至新息侯陰就以外戚貴盛使人要叔之丹不得已而至侯故設麥飯葱菜之食丹推却之曰以君侯能供甘旨故來相過何其薄乎更致盛饌乃食世

說齊神武東出李元忠以路車載濁酒素葍奉迎神武聞其酒客未即見之元忠下車獨坐酌酒擘脯食之謂門者曰本言公招延英傑今聞國士到門不吐哺輒洗其人可知還吾刺勿復通也門者以告神武遽見之

內厨外膳

粟飯菜茹

上公孫弘事見前故人類宋書宗慤孝建中屢遷豫州

刺史監五州諸軍事先是鄉人庾業家甚富豪方丈之膳以待賓客而慤至惟設麥飯菜茹謂客曰宗軍人慣取麤食慤致飽而去至是業為慤長史慤待之甚厚不以前事為嫌

謝賓客 原翟尉

署門

屈菴壞閣

漢書翟公為廷尉賓客交其後免門可張雀羅後復為廷尉賓客欲至翟

公乃署門曰一貴一賤交情乃見詳上開閣

主父無入

將軍不招

史記主父

偃為齊相至齊散五百金與昆弟賓客數之曰我貧時昆弟不能衣食賓客不我內門今吾與諸君絕矣無復

入偃之門 漢書蘇建責大將軍衛青不招賢青曰招賢絀不肖人主之柄也人臣奉職而已何招士大夫哉

增門客盡衰 座賓復至

漢書灌夫家居賓客益衰及竇嬰失勢亦欲倚夫引

繩排根生平慕之後棄之而去 史記廉頗失勢客盡去及後用又復至頗曰客退矣客曰吁君何見之晚也夫天下以市道交君有勢我則進無勢則去此固其理又何怨焉 秦王下令 徵士

題詞

通鑑秦大索逐客客卿李斯行且上書秦乃除逐客之令 陶淵明歸去來辭請息交以絕游

戒勿脩葺

自甘居野

東觀漢記崔瑗好士愛賓客盛脩葺膳殫盡滋味或言其太奢

瑗聞之怒敕妻子曰吾并日而食以供賓客而反以獲譏士大夫不足養如此後勿過菜具為諸子所嗤也 唐書蕭俛位宰相性簡潔以聲利為汚既老家於洛歲時賓客請見以為煩乃舍濟源墅自放山野優游窮年

謝勿與通

避不出見

合辟尉遲恭晚節謝賓客不與通李景懷本傳景懷清

素寡欲門無雜賓李涪罷浙西以同里訪之避不出見

好客四

增詩魏曹植公讌詩曰公子敬愛客終宴不知疲清夜
游西園飛蓋相追隨明月澄清景列宿正參差秋蘭被
長坂朱華冒綠池潛魚躍清波好鳥鳴高枝神飈接丹
轂輕輦隨風移飄飄放志意千秋長若斯 又王祭公
讌詩曰昊天降豐澤百卉挺葳蕤涼風徹蒸暑清雲却

炎暉高卧君子堂竝坐蔭華棖嘉肴充圓方旨酒盈金
罍管絃發徽音曲度清且悲合坐同所樂但愬杯行遲
常聞詩人語不醉且無歸今日不極歡含情欲待誰見
眷良不翅守分豈能違古人有遺言君子福所綏願我
賢主人與天享巍巍克符周公業奕世不可追

增書魏曹植與吳質書曰植白季重足下前日雖因常
調得為密坐雖飲彌日其於別遠會稀猶不盡其勞積
也若夫觴酌凌波於前簫笳發音於後足下鷹揚其體

鳳觀虎視謂蕭曹不足儔衛霍不足侔也左顧右盼謂
若無人豈非吾子壯志哉過屠門而大嚼雖不得肉貴
且快意當斯之時願舉太山以為肉傾北海以為酒伐
雲夢之竹以為笛斬泗濱之梓以為箏食若填巨壑飲
若灌漏卮其樂固難量豈非大丈夫之樂哉然日不我
與曜靈急節面有逸景之速別有參商之闊思欲抑六
龍之首頓羲和之轡折若木之華閉濛汜之谷天路高
邈良無由緣懷戀反側如何如何

御定淵鑑類函卷二百五十四